

玉茗堂全集

玉茗堂全集

臨川義仍湯顯祖著

詩

七言絕句

大竺中秋

江樓無燭露淒淒清風動琅玕笑語明  
一夜桂花何處落月中空有軸簾聲

詩

十六卷

建安王馳謁薔薇露天池茗却謝

朱邸晴熙散綺塵  
百花爭發小陽春  
青罍船上薔薇露  
白鐏山中憔悴人

薔薇花顚動宮牆  
飛蓋離離惹夢長  
忽報芙蓉池上客  
海風吹送露華香

已過西峰白露滋  
天池寒色映青瓷  
梁王憶得相如渴  
正是幽蘭醉雪時

天池十月應霜華玉茗生烟吐石花便作王侯  
何所慕吾家真有建安茶

五日送黃南昌內徵暫歸旌德

浴李斟蘭候使君西山鸞鶴幾成羣終知五日  
江頭別長望千秋嶺上雲

爲政蕭峰已絕塵更題耆舊足風神瀕行欲贈  
江心鏡曾照湘波憶醉人

陪張師相桃花嶺卽事十絕

江城重似築沙堤  
躬子從師鸞鶴西  
便有人間候雲氣  
碧桃休作武陵迷

芳堤酌酒步春蓮  
海大魚飛半醉時  
賓從自然貪鬪鶯  
相公頻問放生池

兩山相對天門開  
洞壑眠龍起夜雷  
直是曉晴風色好  
玉笙吹徹紫雲迴

桃花峰裏吹參差  
暗鶴驚飛王母祠  
爲報文成  
休辟穀天書來下帝王師

晴雪纔飛噴玉潭  
舞雩初暖曳春衫  
詩成更在  
流波處大好明年三月三

桃花和雪洗紅顏  
石室晴雷隱遠山  
爲報沙城  
舊僊侶千年纔見一人閒

桃花峰前生古烟  
桃花水下漲新田  
到處雲霞

成宴坐山公何必買山錢

章江寺湧津梁濶石室花平卧托高大有閒雲  
三百首絕勝風雨聽離騷

花橋斜界落花鄉上有桃花嶺路長西笑未須  
愁虎豹東行原自擁鸞皇

石梁斜日見遊魚題柱常驚駟馬車今日相公  
成大隱不勞沉却豫章書

玉版師翁意贈貞父十絕

貞父所種寺笋作

幾曲闌干風露低  
離人驚夢滿禪棲  
不知清淚能多少  
雨點教催萬玉齊

賴是因緣生此地  
陶韋詩句米黃書  
巡檐掃壁思君子  
一倍離情到碧虛

雨濕疎鍾時看雲  
月殘紅寺照初暈  
不應便作題門去  
五六年來爲此君

詩



竹厨涼夜駐征驂  
禪悅離愁滿座談  
便作西來  
遠建節今朝玉版喚誰叅

色味聲香去住存  
別離無限到空門  
祇須剖腹  
書名姓便上雲霄記宿痕

颯颯鍾陵遠梵音  
依依磴石下雲陰  
不辭瘦硬  
成黃竹貞父年年抱此心

日月湖寬寺影寒  
厨烟欲散雨初乾  
僧敲鳥宿

尋常夢直是無人見宰官

雲漢書催玉笋班兒童還憶令君還應須便作  
甘棠拜此寺真爲慈姥山

偶憐秋色淨居天林下高僧對食眠便欲似君  
爲手板愁君相謔紫衣禪

都拚秀色爲君餐護得凌雲共歲寒向後長安  
天欲遠可能相報日平安

羅溪橋柳絲別意再贈貞父十絕

垂柳溪邊驛騎通  
長安行樂最春風  
看君匹馬朝天去  
要使人呼萬丈虹

萬丈虹飛挂石幢  
栽排楊柳一千雙  
恩波濯濯春如許  
不得移根向浙江

十丈湖心百丈橋  
依依垂拂拂  
又迢迢  
重來要識風流處  
權盤扶輪一萬條

畫橋千尺飲晴霓雨氣湖光柳色西別後高車  
似流水幾人迴望欲低迷

斷虹疎雨半湖陰柳色烟霏四望臨見卧舳艫  
三兩隻知君應有萬重心

著地低枝擁去程郎官湖似使君清心知不是  
三眠日要是蒼生卧轍情

湖影參差柳影齊萬人扶路一攀攜使君家在

西湖上今日黃堤似白堤

何年雨畢便成梁千頃湖陂柳萬行  
隨意行人染春綠長如叔度對汪汪

行人萬丈躡飛虹明聖湖心在此中  
記得遮留堤上路卻絲偏翠舊乘驄

幾年春色候菱龍湖上初驚雲氣重  
向後行人總攀折不知官柳爲誰濃

哭丁元禮十二絕

石屏

右武兄同予生庚之戌舉庚之午友善丁丑  
右武第進士理園漳舉元禮小字漳哥殊偉  
麗是臘予子遽生貌寢而龐讀書各數千卷  
瑰于文詞能鉤抉時勢物情之變而好深言  
之予時時憂二子早慧而右武頗不爲然謂  
當南家慙勞歷落之際而壯子能爾殆亦荒

年穀也已而二子各厭其鄉遊成均以去意  
亦一當紓其內急耳然而遠于嚴慈之規骨  
肉之養各以雄飛自行其意童孺羈旅飲食  
醫餌之不時至庚子秋七月初遽以就試南  
雍病殞下死逾年痛定爲壬寅春予過右武  
所見漳哥心動而未敢言時時語漳哥自愛  
語其弟叔兼好護其兄而已癸卯秋就試都

下而病作歸逾年七月初而甚能自知死日  
曰吾夢見某所若一王者將以某日享予如  
期再絕而蘇誠三日無動我將反然不能待  
矣嗚呼哀哉天平死而其容熒熒如生迫舍  
猶視有恨于予才之不盡耶父怨之未舒與  
嗟乎已矣玉已振矣劍已摧矣兩家之痛曷  
其已矣每一斷腸輒成絕章得十二首歌之



娛賓前漳哥其有知哭示地下亡遽否

年少通家弟子親微談高步出精神不應正作  
多羅死地下修文要此人

丁寧不合便移床寶氣流天月委光夢赴何王  
知不免紫鸞無路玉笙長

溫其如玉意逡巡隱約衝天一段眞泣盡劍光  
何處拭西山黃土只埋人

才名十九吐星鋈曾侍羈危到朔方今日自成  
埋玉劍尺眉遺恨向干將

翩翩冠佩去寧論三娶各家未有孫八卦樓中  
須夢汝不知何卦是歸魂

夢短應知目不暇文章不作老人星何緣月上  
高橋望白鶴重歸說姓丁

貧看年少惜情多玉樹臨風可若何向後題書

堪短氣怕提名字到漳哥

去年顛倒在長安怕似遠兒歸路難恰好到家  
遲一盡兩頭門戶泣芝蘭

朱唇玉面眼如星年少何因卽杳冥地下怕逢  
遠盡語兩家消索鬼難聽

同生幻世壯如蓬前後同場七月初大是申元  
無淚哭蘭盆燒盡讀殘書

眼枯還哭到何年  
星聚長思十載前  
同是白頭傷壯子  
章門腸斷向臨川  
載成玉樹竟無成  
對泣西河老弟兄  
白髮叫天難盡說  
尋常只道是鍾情

鸚鵡賦

隴西千里向平原  
笑時時綠羽繚不似  
福生終見殺止因能  
作世人言

答張了心往尋達公平明德師處

可到姑山一了心  
羅公蹤跡在禪林  
門前便有西來意  
紫柏香銷涕淚深

憶光孝寺前看蕉花作

拜朔喜前春色深  
碧雲江上幾沉吟  
霏紅膩綠蓮花女  
袖盡芭蕉一卷心

嘆卓老

自是情靈愛出家鉢頭何必向京華知教笑舞  
歸刀杖爛醉諸天雨祿花

相者過肝却寄曾舜徵

舜徵故明  
德師弟子

江海秋生骨氣寒心知碧眼相人難十年宰相  
君饒富會向衡山問懶殘

在世何知出世難向來長羨死灰寒麻源得見  
羅夫子春色漁歌起杏壇

詩

十六卷

十二

峨嵋僧

去向西州拜諾那中巖住處老龍過峨嵋直下  
玻璃水長似天波寫月波

題蘇判盡

雲影松陰翠欲遮石梁山徑有人家清輝似人  
天台路盡日音飛水碧花

綠雲華屋寄清真不似山陽舊七人便欲攜書

向孤嶼水光山色坐吟身

青雲多半木亭陰  
水外幽人杖屨尋  
獨坐淙淙空翠裏  
不應真有羨魚心

垂垂樹雪俯山亭  
時見幽人出谷行  
獨笑潮橋無酒店  
題詩空折野梅清

縣巡司還嘉禾懷馬心易岳石帆

家近湖南烟雨邊  
漁歌那復羨臨川  
君看清日

詩



高華客大向雲林作散仙

不爲蓴絲想越鄉  
斷帆秋老秣陵霜  
歸家得向錢郎醉  
分取吳江蟹半筐

和袁明府送周陽鶴歸廬

池上芙蓉照淺霞  
一杯含笑楚天涯  
參差夏臘長齋好  
三角山前菜已花

其業風流白  
一時木蓮花  
發酒臨池  
知君老病

消除得破額山前是大醫

法堂僧說泥丸事

西笑無因躡紫霞時時相勸服靈砂深歎不上  
終南去已過蟠桃十月花

洞室空留火候箇傳來太乙近天都不知一線  
風狂起放得蓮花七佛無

送錢簡棲還吳

錢有劍菜  
說劍事

一才集 十三  
中秋作客兩重陽殘菊空江病遶床歸夢一尊  
何所屬離歌分付小宜黃

字吐寒雲劍吐花虬盤香施虎丘茶一秋高閣  
逢高士斜踏長橋看落霞

魏辟疆云欲上都

曾聞僊鳥去朝天過我爐頭醉雪眠動道汝兄  
才與好朝媚相幕隱紅蓮

車馬曾過辟疆園。花竹琴書靜不喧。今日劇辛  
從魏往。黃金臺畔憶王孫。

送余玉簾

一曲蘭舟未敢淹。月生秋水。廉纖。遙知獨夜  
匡山裏。靜捲爐烟看玉簾。

雲起西山氣色殊。玉簾高影挂東湖。歸心不住  
逢殘菊。池上秋光得醉無。

再贈簡棲往尋梅禹金

寶劍書成氣不降  
白鷗秋水下吳艣  
時時學病相如渴  
錯道臨邛在隔江

白頭秋浪滿江濤  
錢起江行正苦吟  
爲道故人冰雪盡  
一枝梅在敬亭心

夏寒

明朝欲醉三庚伏  
昨夜還衾一葉鷄  
止似薄暄

林間好在涼潭歛蚊頭眠

湘山禪子

蒼梧雲影落人間  
帝子浮湘竟不還  
千載秦皇問楚女  
不能燒却淚痕斑

正覺寺逢竺僧自云西來訪羅夫子不及  
萬里伊州入漢關  
羅公不見履空還  
今宵下馬迎風塔  
可似西南正覺山

詩

懷王叅知松潘

仗節西遊自一時  
雪山秋色照峨眉  
峒蕤之只作  
常言語未了汶江一段奇

戊戌上計不見王子聲憶乙未春事

承明再入滿愁生  
聽履都無王子聲  
不爲玉棺  
貪瑩玉也應仙舄傍人行

獨上燕臺草謝齊  
風光通斷楚雲西  
誰憐賈子

新銘閣不得先靈御史題

問松潘使者

松潘長夏雪花吹萬疊  
砌房日上遲大有牛羊  
張旆酒不妨蝦菜似龍芝

送學官成都

扁舟黃葉向秋分  
江楚天西滿白雲  
到得玉堂無一事  
文翁真作梓潼君



撥悶偶懷江陵相以下八公

總教拋却宦情何忽自悲傷忽笑歌半百年來  
春署裏數家閒閣不曾過

送臧伯順還中吳

前金谿明府尊從而兄顧渚予舊好及之

稚齒風神似玉清郡齋時聽讀書聲重來繡轂  
能相憶玉茗堂中結綰迎

金谿上國王喬履顧清浮家覺讀書少弟同堂

關秀色小山能別大山鮮

送桂文學歸慈谿兼訊姜給事松巢

閩湖隄上窺明月石硯山中訪墨卿香几詠成

除正字儒家今日桂先生

生自言國初正字君後從弟子伯順客茗

白蘋秋盡晚香零盃酒吳中客歲星大有姜湖

人釣雪一松盤處最清冷

再送伯順歸茗

伯順予郡丞沈公之峯婿公旋沒旅雅殊苦

驪歌無那客愁催衛玠停車看一回去到白蘋  
天欲雪讀書聲滿歲寒臺

燕歌曾送宋平推死孝琅琅風木疑別後何期  
見司馬素車添作路傍悲

送張伯昇世兄入燕

公弟前未平理之陰  
宮璽卽以父喪哭死  
伯昇子師前郡丞  
太倉起潛公子也

斷轍秋水送將歸滿目黃花細雨飛淚盡報恩  
惟一劍要離冢上血沾衣

老至纔知感舊恩  
空栽桃李不能言  
今朝得遇張公子  
風雨連天拂淚痕

虛傳挂劍在東吳  
薄行門生只似無  
駿骨古來銷不盡  
黃金臺上帝王都

洞庭公子好長生  
風骨泠泠秋復清  
必若燕昭有靈氣  
薊門還作望仙行

淨菴僧歸青陽有懷江本文學

海寧僧到遂昌來不見江家黑秀才但是相逢  
送迎處高情長似九華臺

熊墨川寫真秣陵更二十年許贈之

高館秋深拂素繡端相無定邈何嫌要知清遠  
樓中客海月松雲是一纖

石城秋水憶精神玉茗間雲更寫真定解與人  
添髮雪君爲花得帶中銀

東隱僧在袁明府齋頭

西來東隱住東林虎嘯泉驚不住心却到縣齋  
鳴磬裏亂簾黃葉挂秋陰

拾芝不能得謝山子歸從間道去口號

江南江北幾留連鴈字回歸小雪天一夜馬嘶  
雲外去想知無用載花船

迷樓有客信依微十月江晴一鴈飛定是劉郎

歸路急怕人持問阮郎歸

題牕示兒

昔人長有好文章  
面面明明窓淨几  
張秋色滿窗幽  
桂發可能無意月中香

芸閣鈎簾坐夕暉  
行吟書帶草依微  
卽知杏苑春池燕  
纔向披香殿裏飛

止唱南柯忽聞從龍倬內楊傷之

絲烟吹夢老南柯淚濕龍圖可柰何不道傷花  
真欲雪與君齾作鼓盆歌

病酒那將心痛醫白楊風起淚絲垂可憐解得  
南柯曲不及淳郎睡醒時

丁巡司歸縉雲寄聲括蒼士民

縉雲風物近平昌處士星飛去括蒼今日見君  
如舊識一杯初拂開湖霜



僊都小吏去重來曾向朝陽客幾迴  
昔舊歸時能借問門前五柳是三槐

平昌齋發弟子數人從師吳越里居稍有  
來問者

送子吳西去讀書一時桃李似春初  
今朝得見柴葉叟落日寒園自荷鉤

春風纔試弄琴年送汝杭州一贈輟  
今日老師

休下久可能贏得讀書錢

寄陳河州并問王道服岳伯

陳前廉  
州理

萬里珠從合浦還  
鳳林春色遠臨關  
知君不似貧炎熱  
暫與開牙向雪山

書生投筆事何常  
萬里功名或破羞  
林下尺書成底用  
故人今在紫薇堂

送客湘東

詩

佛檻菱歌餞遠遊  
斷蟬疎雨最宜秋  
思君獨夜夢何處  
班竹簾西湘水流

寄劉天虞

秦中弟子最聰明  
何用偏教隴上聲  
半拍未成先斷絕  
可憐頭白爲多情

懷達公中岳因問曾中丞

聲音欲向乳林傳  
河洛初歸繡斧年  
便似虎溪

還送出月明三十二峯前

與帥氏二從侯關者

東堂歌舞飲三更坐聽城門啟鑰聲負郭千家  
如夢裏幾人同看月華生

驕年

門戶從知氣色微花前濃睡過春暉莊生大有  
人間世忍遣清覓化蝶飛

詩

丁東兒代內

玉馬高簷聽乍稀  
玉樓閒坐午風微  
無端說起  
意殘月曾似朝天玉佩歸

聞姜仲文叅江藩驚喜湯成

春遊無事得相催  
湯踏沙城笑一回  
搖漾十年  
江月老丹陽郭裡和君來

書題殘臘擬春遊  
發興難隨風雨休  
身是尚書

舊官屬今朝公子到南洲

予故宗伯鳳阿公屬也

楚江秋

等是遷延醉一程  
悽鸞愁鳳語分明  
柔情怕逐江流轉  
一曲琵琶引鼻聲

病倚珠簾微嗽時  
無緣相見蹙蛾眉  
楚江秋色清如許  
坐聽闌干琥珀詞

遶江幽怨逐絃深  
樓外秋山起暮陰  
大有行人

偷下淚參差彈破碧雲心

楚雲如夢夜何如泥泥絃中說衆諸落月滿簾  
風露急爲誰清怨與躊躇

五日夢梅客生如秣陵競渡時

吹簾伏檻影沈沈五日更頭思夢深似有一絲  
長命縷莫愁湖上繫人心

夢中還有好容顏鍾漏泠泠到楚山自作江疊

何用弔蓄蘭心事在人間

處州郢齋看誠意伯家帖

黔帖吾家自不全當教北海謨欣然僊都會是  
劉家本指破烏金起墨煙

拂舞詞

玉壺清管向西隣紅袖斜飛雨拂塵醉裏踏歌  
春欲遍風光長屬太平人



平昌哭兩歲兒呂二絕

有序

呂兒秀慧甚痘瘍前呼爹與點茶云已是客  
亡去母爲剪髮留記久之蘇云阿姐何得剪  
兒髮恚起仆席云當去某所爲子不佳又云  
不舍阿爹處因起索抱弄小香鼎面頰

殤兒慧絕轉爲人去住無佳不柰塵縷髮誤隨  
鴨斷蓋得因金剪寄餘嗔

呂兒能說去來因茶點香沾小幻身畢竟燈殘  
難繫久風前迴照白頭親

平昌哭殤女詹秀七女二絕

有序

詹秀產于詹事府能讀書許字吉水劉祭酒  
應秋兒痘殤前一日看紅衣正立拜起別先  
祠七女娘夢雙星掠喙而流產以七夕半期  
而殤

死到明姑也不辭要留人世作相思傷心七歲  
班嬭女解着讀紅別祖祠

古夢吞星卽有靈今當織女是何星心知不合  
飛流去淚酒蒼茫河漢青

香山驗香所采香口號

不絕如絲戲海龍大魚春漲吐芙蓉千金一片  
渾同半額得爲雲護九重

蕭臺懷古

木葉山煙海色移  
舊家簾影扇開時  
那知十段回心曲  
併作千秋絕命詞

青城山人遊嘉禾

雪下峨嵋見一班  
興隨江海漾春還  
欲開天口憑飛舞  
心在長墻素駐間

聞姜仲文使君卧閣旬時懷不能去漫成

聞君卧閣有旬期  
爽氣西山枕簟隨  
南浦到來

車騎滿還誰得見  
鄭當時

君司  
部政

因君病肺雨留連  
夢到茅山采藥年  
我自當歸  
君遠志敢言同病一相憐

也知官舍卧難高  
文字閒僉客夢勞  
八月弟兄  
來七發章門秋似曲江濤

每慚消瘦得君愁  
教莫多情當卽休  
又是半年

心事裏等閒無恙亦傷秋

自選方書不要醫半垂簾坐獨眠時何應懶去

爲京兆張敞名臣錯畫眉

時遷尹京未臬

清影相看意獨深龍沙烟月向沈沈卽今微病  
兼秋意大好湘騷對越吟

柳絲樓感事

殘日西樓映粉紅書眉吹蹙柳條風重來攀折

人何處腸斷千絲一箇中

一年春事賞心同千里湘皋曲未終別恨乍隨  
帆影去柳條眉暈半絲風

嘉水招提寺

且脫袈裟覆錦袍酒闌衣桁雨蕭騷千金一曲  
傷春色零落瑤琴金條條

右武從辰沅移鎮甘州

春深漢廣不還鄉  
少寄丹砂似越裝  
自別西涼  
竟夢冷流沙  
千里一舟航

聞李伯東使君報維  
河南薇省喜見乎詞  
微有將離之感矣

尚遷來賀意悠悠  
三載章江許再留  
要得望雲  
歸近日中州  
真作勝南洲

河洛青雲氣色濃  
法星江上嘆猶龍  
依枝欲遶



三株樹掣袂還過五老峯

遣宜伶汝寧爲前宛平令李襲美郎中壽  
時襲美過視令子侍御江東還內鄉

赤縣琴歌積夢思宜伶尊酒寄新詞天中好醉  
澄潭菊彭澤登高此一時

僊李蟠根世不同長生玉樹正中崧西占紫氣  
乘牛出來向江東看躍驄

帝臺春飲玉漿寒紺髮傳八下  
碧滿大有傳聞  
雲漢重繡衣長作舞衣看

長是春陵氣色新  
鸞歌鳳舞不辭頻  
初將汝上  
千齡酒來醉隆中百歲人

送仲文寄賀知忍中書

擬作高門待使君  
恰從江上嘆離羣  
江東舊有高陽里  
隨意秋眠河漢雲

帝鄉一別食三秋許再過從恨不留但道長安  
傾北笑暫隨江水寄東流

鷺鷥西山動紫氛平生心許賦凌雲龍沙別有  
登高興不爲旌陽爲使君

偶經心事得君憐賀六郎家憶往年未寄鷺膠  
需鹿角粗將性命比危絃

從信州賈生索箋燭

有酒湏開玉茗堂，貪將墨妙殢紅粧。  
知君詫物來何有，百幅皮箋捍燭長。

好送驚潮十萬箋，都拚紅燭照離筵。  
西齋不是尋常醉，大半城烏欲曙天。

夢惟審如送粵行時別淚

半百忘年好弟兄，笑談竟夢覺平生。  
自從漏別東堂後，三市五峯何處行。

死友吾生更不聞似存華屋氣紛紜羅浮夢寐  
無人笑殘月蒼蒼說似君

憶王太蒙岳伯過家便度嶺

江西風景足旬宣嶺外山河又一天自是君心  
比秋水世間空有石門泉

便道東還滄海期秋風積水借天池君家最近  
紅蓮府獨自婆婆青桂枝

同大耋有悼

望六吹飴亦可憐  
兩開湯餅向耆年  
盈盈又抱孫枝泣  
冷雨疎風小雪天

壯子前場失兩孫  
吳孃歸夢阿耆存  
何來露笋風吹折  
老淚年年向竹根

但求洛誦守文園  
垂白枯梧隱淚痕  
是處明陽回一照  
幾年么鳳到桐孫

解道錢蕩不可爲閒從子舍一傷悲庭前正有  
三株樹得見孫枝爾許時

偶詠陶

抱琴歸去飲微醺山海圖中眼一過自是秦人  
貧避世泉明何必恨荆軻

己亥歲春送達公訪白雲石門過盱眙明

德夫子

殘雪疎山發暝烟  
卷帆春度石門前  
空霄爲夢  
羅夫子明月姑峯一線天

小住袈裟白雲地  
更過石門文字禪  
平遠空高  
一回首清淺  
府姑誰泊船

四月八日永安禪院期超無

清朝不見小彌天  
竹塢炊茶過午烟  
解是雨花  
新浴佛諸天誰供洗兒錢



不寒不熱在香臺天下人民心髓開獨是吳兒  
稱解事更同無臘洗僧來

寄建武張洪沙公子遊武夷六絕

清顏如月思如雲長要偷書水翠裙何處玉笙  
風颭起寥天吹向武夷君

夜竄清啜建溪茶六月空寒襍翠霞莫作鄉人  
苦相喚楚西公子字洪沙

避伏懷仙向赤閭飛鳶水外泥行塵中峯置酒  
邀靈雨還是張家十二人

公子風流醉亦醒城頭枕障萬山青都將赤日  
冰壺水并作秋河灑幔亭

冰簟香銷酒復清何須六月望仙行武夷若問  
水清淺爲道龍沙高過城

羽扇輕將鸞鶴招幔亭風雨隱晴霄不能驚得

張公子簫曲峯頭慣弄簫

對紀公口號

王舍金碑一丈慳碑中祇是說忙閒驚飛六月  
香鱸濕散作千層雪浪山

清紀清吟飯後茶超無無恙酒前花一般茶酒  
都銷得柳樹池頭舊作家

纔說拈花事已多相逢一笑定如何閒情得閒

香山老去傍香鑪作鳥窠

長說東林去未能柴門相見石門僧  
前林月出秋河起大好陰涼話葛藤

問李生至清

麻姑山水蔚藍天醉墨橫飛倚少年  
却被倒城人笑煞太平橋畔野僧眠

紀公疎山寺訊吳吏部

了公南渡正風烟藏轉蓮花到六千今日太平  
逢地主若爲消受白雲禪

山頭日脚過鳴榔龍氣風生草樹香吏部竹林  
同避暑肯將高卧笑柴葉

送楊吉父伍念父鄉試

明遠樓前湖水連月中相對酒蒼然姮娥豈有  
長生藥未必全將與少年

青雲峯近意何長  
玄草亭深髮易蒼  
一似外間分老少  
不如焚却至公堂

友聲相喚出河津  
伐桂丁丁向月輪  
大有少年那薄倖  
姮娥須惜老成人

破帽焚拋筆硯緣  
桂花秋發廣寒天  
龍門九月成高會  
絕勝龍沙八百仙

洪山看宿試懷故友饒伯宗

詩

十六卷

三

龍門燈火送兒回  
落月踉蹌古殿隈  
同學故人衾枕後  
今宵洒淚看河魁

看演新舉人馬示兒侄

龍門一望意踟躇  
踏歷塊凌雲盡此途  
九十五騎雲似錦  
就中誰是我家駒

鹽翁口號

月青來云我輩後生如作  
箇中事其語尚取以自號

不隨器界不成窠  
不斷因緣不弄蛾  
人向此中

乾到死世人休擬似蘇何

送李質卿孺德叔侄吉水口號二生予道

家門士秋場爲劉臨川所錄來求資具

以比戲之

李家秦楚一孤村接葉成陰氣脉存借問牽舟

過臨汝何如立馬向天門

洵陽竟陵各家俱是夢村李

明府雙珠照一家劉郎種李似桃花只湏春水



龍門去何待秋風泣漢槎

義學文心舊老師清歌淥酒較無辭爭知小阮  
風流盡會是王家叔不癡

李下彈冠似竹林一尊秋雨夜池深歸裝若滯  
金錢色陶令黃花更不禁

送周仁父遊梁

鴻鴈高飛海色空河橋秋發暮雲東書生解作

扣如賦歲晏梁王在雪宮

客自何來來舊鄉  
喜將詞賦學遊梁  
驚心不向夷門泣  
河上無塵鬢有霜

十年後平昌士民齋  
發徐畫師來畫像  
以

刺遣之

好手高情徐侶雲  
大兒能似李將軍  
神明妙處今何有  
却遣丹青混使君

雪殘寒日映江干  
畫到歸鴻目送難  
恰憶清華舊出水  
五絃容易不曾彈

縣有清華閣

地僻汪樓有雁聞  
長林歸夢雪紛紛  
心知遠意宜立壑  
縣社何由謁陸雲

偶爾朝臺竟不還  
吏民相問好客顏  
都應謁與江湖意  
濶落雙鳬雲影閒

爲得月亭小仙詞四絕

有亭

年友觀察吳君有再歲子美兒皙白如雪殊  
慧以痘瘍三日猶視肢骨柔曼至可啟唇澆  
注漿水君不忍龕而立之池亭西時有光異  
下神而詢之曰僂童也予前數瘍子爲悲而  
絃之詩

殊紅留顫不留髮落月闌干水半潭定解再來  
啼一啖青春阿母舊金環

詩

得月亭前事渺茫金童承露泣仙方清波大有  
霜荷葉却要人間紅子湯

淚向沈珠得月臺月生如見夜光回回時解說  
寃親苦恩重報珠時一來

恰如花落有來期美子祠前清露枝不是鍾情  
偏我輩世間難得老人兒

題畫送蘇州南還懷唐少嶼

六國黃金寫印文白頭那似此蘇君西江一幅  
閒秋水笑向南天五色雲

蘇君曾說好襟期花嶼唐翁愛我詩雲外不辭  
歸夢遠參差騎馬到滇池

病中遣客

縷血能銷四大身深深息息也縈神門前春色  
休相訪獨柳池邊一癡人

詩

玉茗堂全集

玉茗堂全集

臨川義仍湯顯祖著

詩

七言絕句

華西四絕寄王道服岳伯

百二河關紫氣重垂關躡蹠度蒼龍無緣便瞰  
明星出露洗笙簫雲外峰

詩



昊氣金河靜鬱盤峰中人語白雲端初窺玉井  
樓頭坐十丈蓮花掌上看

西峰瀑濺雨廉纖星宿牕搖上玉簾落日清山  
松色動倒吹蒼嶺作龍髯

西望白雲乘帝鄉一時忘却在車箱蓮花別起  
清寒色玉女頭盆下玉漿

贈蘇醫田家

杏花菖葉泥春田種杏栽蒲較引年向後五倉  
須却粒看君真得禹餘仙

仕宦逢年總未央仙翁車騎有餘糧城南二頃  
都休問六印何如肘後方

得信州高壽丞寄元舒哭兒書是時元舒  
亡久矣

去來吳越幾經過相國名園春恨多便作再遊

君在否可憐蒲稗浴鷗波

君哭孩兒解索環阿舒都不在人間舊作寄來  
堪掩涕十年心事到常山

重過采石

夕陽千里弄舟還一片秋聲兩岸山醉著錦袍  
如夢杳月明何限水雲間

唱二夢

半學儂歌小梵天宜伶相伴酒中禪纏頭不用  
通明錦一夜紅趂四百錢

出關度瀼河

岸草移舟簫鼓遲河陽春色憶佳期銜風日  
人千里屈子乘湘去此時

河陽春動草凭凭楚客含情向碧潭自別黃金  
臺下路不嫌人唱望江南

戊戌上巳揚州鈔關別平昌吏民

富貴年華逝不還吏民何用泣江關  
清朝拂綬看行李稚子牽舟雲水間

和張師相二月桃花嶺看雪

天香六出駐仙車春色同雲半紫霞  
醉問桃花定紅雪仙家原重碧桃花

口占奉期建安三月三

洞浦吹簫興卽留幾攀高駕動南州  
禁春羽爵應無筭但借賢王曲水流

排比新聲接舊驪重門初燕語春寒心知日暮  
能留客明月西園是建安

玉蘭花開和幾卿相

長廊客散雨微晴素影高寒月下行似是相公  
憐曲廳不蘭花慢一聲聲

上巳杏花樓小集

茂林修竹美南洲  
相國宗侯集勝遊  
大好年光與湖色  
一尊風雨杏花樓

花枝湖瀨淥如紅  
上巳尊開雨和風  
坐對亭皋復將夕  
客心銷在杏花樓中

丁未元旦

春色輕輕向曉天  
冠裳遙望一樓然  
今朝太史

書雲朔不見仙覺有十年

達公來別云欲上都

艇子湖頭破衲衣  
秣陵秋影片雲飛  
庭前舊種芭蕉倒  
雪裏埋心待汝歸

夢破長安古寺鐘  
偶經花雨舊林空  
尋常一飯堪隨施  
何必妄言是可中

報恩寺迎佛牙夜禮塔同陸五臺司寇蓮



公作

駕御園闢寶色空水晶燈火映餘紅焉知辰髮  
青銅色依舊長干木寺中

聽乳林唄贊

絳桃春盡攝山幽地湧千峰月氣浮忽散梵聲  
驚曉起遶天風雨塔西頭

再禮佛牙遶塔

蓮葉留牙印未光  
辟支山石更尋常  
單蘭吐盡  
千千切紅玉  
裁消一寸長

達公過奉當時予病滯下幾絕七日復蘇

成韻

病注如泉氣色微  
晉人言與病人違  
不因善巧  
令歡喜  
簾外紛披五綵衣

已分芭蕉歛盡身  
遠摩心事見能仁  
朱門客到

須回首省得長呼達道人

辛卯夏謫尉雷陽歸自南都疴瘧甚夢如  
破屋中月光細碎黯淡覺自身長僅尺  
摸索門乃急不可得忽家尊一喚霍然  
汗醒

病掩龜銷月影微拋殘家舍飲何之恰逢慈父  
呼亡子得是三三三二時

夢中沉似月黃昏破屋踉蹌苦索門幸好家公  
與留住不須炎海更招魂

袁侯喜作佛事廣壽寺集僧展藏甚盛寄  
問浮梁水月

五色袈裟飯一時虛堂雅步稱容儀獨持海月  
歸山去正是燈油猛盛時

廣壽寺僧多土田眷屬噴疾客僧乞食展

詩

十七卷

七

藏

乞食繙經好勝因有情相續更何人心知破鉢  
難留住爲有從前獅子身

名句文身總不多空拋盞飯向維那諸天聽着  
成何事流涕相看迦葉波

丁未洛陽日夢遺兒持書願樂且語地下  
成進士嘆笑久之覺而成句

萬卷都拋作紙錢  
傷心才在數人前  
黃泉尚有書生業  
同學誰登第六天

作紫綢戲衣

試剪輕綃作舞衣  
也教煩惱到寒微  
管歌正值春殘醉  
醉後重隨煙月飛

無分更衣金紫羅  
伎大穿趨踏朝歌  
俳場得似官場好  
燈下紅香不較多

看接花子示兒

度臘占春老。壺馳一年花事。竟如何。陶家只合栽楊柳。玉樹芝蘭自不多。

先友吉水劉允陽兄子晉卿以空困遠寄

却贈

天上人爲泉卜期。悲思公子卽能詩。兩家門戶堪如此。不見長安書記時。

遠道空書意不任  
昔人詩共此時心  
便作親朋無一字  
足教之子慎千金

讀錦帆集懷卓老

世事玲瓏說不周  
慧心人遠碧湘流  
都將舌上青蓮子  
摘與公安袁六休

卽事呈王太蒙憲伯

蠟炬通宵坐綺筵  
樓頭星火正中天  
南州已作



清涼境秋月冰壺十五年

月照龍沙水氣清籠燈破碎引前行紫薇堂上  
沙堤客長見丹心徹裏明

送吳龍游徙陽春長乞藤墮子

龍丘山水帶風塵未暇絃歌學愛人直置梅花  
江嶺外恩光常許奏陽春

倦遊遊處亦風光碁局并書遶印床莫爲炎蕞

心便熱春州南畔正高涼

海珠江與七星連夜半山川好扣舷解是吳郎  
舊風色一杯相對石門泉

折腰君喜得同鄉僊嶠題書歲月長定有高雲  
藤障子先分海色到柴桑

雲聲歌寄宜興張文石併懷能始中郎

同是清時放逐行參差江嶺向吳京蒹葭盡處

滿秋色高閣蒼茫雲漢聲

講史伶歌粉墨羣水煙山翠恰饒君不應洞裏  
呼龍起一片張公善卷雲

新來好句得曹袁翠冷珠輝整欲言更作清微  
河漢語秋聲移動白雲痕

聽于采唱牡丹

不肯蠻歌逐隊行獨身移向恨離情來時動唱

盈盈曲年少那堪數死生

梅花嶺立僧

馬鳴牛啗三車地水擊雲搖萬里天  
解向江南傳信息梅花嶺上一枯禪

江雪圖送李篆史還肝

落日河橋歸雁呼淥尊清淺映麻姑  
還邀曉月冰壺句來看寒江雪棹圖

去別章門夜泊船雪窻高枕對窮年  
朝看雪意成霞色知是圖書氣燭天

掃除瓦礫成堆偶望遠官家

社燕秋歸掃舊窠倒翻門戶見天河  
東家樓上西家庫得似吾家瓦礫多

偶然閒掃到池林瓦礫堆高一丈深  
若遇仙才能作使此中真可築黃金

送篆史張蔡叟九江

西江歲月逢殘雪東壁圖書老客星  
半簪蔡叟禁大嚼就中知有五侯鯖

瀑布齋頭坐欲曛暮江晴雪見峰雲  
雙鉤若向屏風底爲帶芝泥九疊文

送琴僧還闕奉懷世伯李百鶴先生并懷  
顏曼叟

水有懷仙山有靈琴僧湏向足閒亭桃陵左相  
能相見百鶴老人時一聽

招青林僧

到處青林是作家不萌枝上又開花明朝得問  
文殊病打碎琉璃浪喫茶

春到青林幾樹香華嚴海畔衆齋糧不應下會  
相瞞得白牯狸奴在一堂

送曇欽度嶺

雪浪山頭下雪溪六朝僧度楚雲西無緣更逐  
齋時去不信人間飯色齊

昨日春分酒一卮明朝僧飯乞從誰參差欲到  
梅關路正是黃梅雨渴時

病起懷吳璽郎疎山

風雨樓頭病欲休獨行池上柳絲稠相思三月



桃花水欲下真人蓮葉舟

沙井門庭靜不紛百年多病更何云  
獨憐一片袈裟地終日樓頭望白雲

春興懷學卿

章門秋色老菰蒲歸去春風又阿奴  
解得鶯兒黃似酒亂催雙槳向鷺湖

何來鶯燕已春分公子乘春醉碧雲  
起踏鷺湖

唱金縷嫩黃衫映水皺文

送客麻姑便過廬岳飯僧

湖陽歸雁雪紛紛映漾峰頭幾疊雲  
不向麻源問清溪龍沙高已半匡君

王孫高興逐年新草色鄉心一半春  
堂上白鴉飛欲盡鉢中香飯覲誰人

寄問清流王相如

詩

雪銷晴瀑下衡廬賦寫清流煙月餘便不遊梁  
先客楚氣吞雲夢亦相如

江城南浦繫舟頻笑隔桃花又春但向清流  
作漁父泊沅難是獨醒人

何東白太醫許開酒口號

滿樓風雨滯春衣恰見騎牛賣藥歸試看杏花  
原上望酒壚人到藥爐稀

偶然病肺怯春風  
避酒嫌歌百興空  
何意白頭心較小  
不能膽大似郎中

元夕洪沙公子遠致高燈却謝

編珠洗翠焰樓臺  
細雨和風酒一杯  
巡簷忽睨開雲月  
清夜同誰賞笑來

八閩傳艷見高華  
三市煌霄此一家  
玉宇滿堂風帶起  
翩翩公子自洪沙

近袂有懷卽贈前田藍翰卿往襄陽便過  
其先人隨州刺史祠下

楚客曾同章水西  
瀟瀟風雨杏花低  
今朝寒食  
仍章水間殺花枝發大堤

相逢上巳前三日  
湛湛長江雨不分  
更過杏花  
樓上醉一時  
朋舊憶斯文

春風忽作武昌遊  
官柳綠綠繁容并  
莫過峴山

輕下淚汝南碑在古隨州

送王孔憲越遊懷中郎

赤日行天豈去時山陰殘雪夜何之  
飄花漱石寒如許曾見袁家五泄詩

石門流火氣霏微月露孤舟小葛衣  
直過嚴陵聞湘楚客星散與亂帆飛

答江陵張維時四絕

詩

嘆沼魚不樂如塵起累禪

失却龍門夜雨醒旱池噓沫翳微萍無因說與  
魚天子只授金光一分經

楚江采蓮

蓮心獨唱采蓮歌葉裏菰穰衣敗荷何似醉遊  
沙市裏琵琶相共鯽魚多

江鄉聞雁

蘆葦滄涼自一時彌天緇緹竟何施  
洞庭彭澤春波闊消息傳君雁字詩

噍五交哀二禪送客自嘲

送客無端祇自嘲楚江煙雨寄衡茅  
遶公卓老尋常事生死無交勝絕交

偶韻

花竹臨池散曉光偶拈諸品坐繩床  
長年得見



波斯水靜日能生般若香

偶觸覺華編

說着亡蓮卽漸陽十年秋夢覺華王不應天上

文章府要得人間破錦囊

蓮夢覺華王車騎而  
焉歲已亥爲我作句

已酉不復見檢其故帙  
餘歸高閣悲之委絕矣

海陵觀徐神翁像

色盡神移看寫生元都衫影罩空明滄業欲換

題慈去一種神仙世上情

檀像虛無壽像新  
掉頭不識底傳神  
千秋淚迹神光裡  
慈看人間羅刹人

閑拾之渡瓊寄胡憲伯瑞芝

蒼苔高臺自若登  
玉芝煙雨去時曾  
秋風海閣青囊裡  
爲賦炎州五色藤

自然瓊樹不妨瓊  
能使炎風海外清  
但得攢櫛

一千口與君相對卧紅笙

臨章樓聞越舸且別悵然

臨章樓畔唱歌頻亂颯花枝記飲巡定去揚州  
須說與相憐還是故鄉人

亂帆秋影半江樓燕語滄涼傍客舟便去揚州  
且明日故鄉今夜有人留

金精洞

在寧都

悠悠世事幾千年  
鳳舞鸞歌此洞天  
夜半紫雲飛作雨  
金精石上漱瓊泉

雲卿湖上待萬余二生不至

夢裡吟詩醉寫真  
秋光湖上月粼粼  
無因嚼得青蓮子  
爲覓香雲館內人

晏黃卿東還并問張賓王

偶談黃鶴事多奇  
七夕迷樓獨詠詩  
頭白未銷玉茗堂詩集

吳楚氣與君殘醉月斜時

爾師南國舊知名遲暮東歸弟子情積雪半天  
迴雁影蒹蘆河上見蜚卿

同藏公天界寺見沙彌者

偶逢集夏與同遊鳥語風旛臺殿幽一食老僧  
移坐起少年隨意打皮毬

朱子得太守索顏撫州二姑壇帖

靈姑簫發久凌虛千歲顏公小字書得似澄園  
真跡在金梭韓馬欲何如

看大理客辭家

白巖如鏡瀉青湖龍尾關前望小孤便作點蒼  
山色好可能分入畫眉無

湖上有懷陶蘭亭

竹葉新炊龍井香睡寬清渴酒壚傍何時一棹

詩

山陰雪爲試陶家十六湯

重過用晦王孫斗西春院作

求仙愛戴竹皮冠北斗西飛草樹漫惟有殘叢  
舊詩卷銅盤收淚月清寒

瓢瀑泉王孫四遊詩

好詩清淺世人留廬岳歸來卽倦遊石架題名  
煙月裏海風吹盡瀑泉秋

沉角寄宗良王孫王孫肢節金瘡而韻思  
轉清

好逐王孫桂花風水盤鍾鐺傳山紅由來一葉  
天香傳總在枯心斷節中

戊申首夏初夕夢爲何國長恐懼搜索音  
人作書生誦哀公問政章醒而成韻

役夫當夕夢爲王丹穴初醒愁詎央便作蒲葦

詩

十七卷

三



能問政不應圖畫到高昌

端州逢西域兩生破佛立義偶成

滿屏天主絳紗籠碧眼愁胡譯字通正似瑞龍  
看甲錯香膏原在本心中

二子西來迹已奇黃金作使更何疑自言天竺  
原無佛說與蓮花教主知

沿指腕寒痛度嶺所得

破蓬風起到，擎雷指腕侵。尋來病催縱，有斜神  
卧谿谷，可能真氣一時回。

春夜有懷謝芝房

木閣青頭青桂枝，越人文字漢臣知。幾年元夕  
深杯裡，又是燈殘月落時。

每到燈時一舉杯，衆軍書去隔年回。章門便是  
金臺路，飛越峰前足練來。

武陵春夢

細語春情惜夜紅  
妨人眠睡五更風  
明朝翡翠洲前立  
拾取砂揔置枕中

看踏麴

繫馬牆粧笑有無  
強將人當酒家胡  
晴來正踏襄陵麴  
石蜜紅散色味殊

內人服散

曉鏡當牕影碧紗  
曾經心緒到鉛華  
經春惡阻如何藥  
還愛新飛水玉花

招慶寺

曉風疎雨帶雲陰  
翠黛輕衫湖水心  
一曲潯城底春色  
西泠橋畔落花深

寫韻樓

松樓寫韻暗沉吟  
似有人來江樹深  
斜月半山

風飀起千秋南浦別離心

聞漁貴道阻問瑞芝中丞

金沙原與蜀通襟路出黔陽千里塵何事不教  
東一綫蘭滄千古爲飽人

鬼氣臨參不肯降時時兵甲問南邦天開貴竹  
當雄楚地擁西臺接華江

偶作

其風鶴盡華亭夜彩筆鸚鵡銷漢水春天道到來  
那可說無名人殺有名人

官閣

蘭歌滅燭暗逢迎檻倚紅梅發艷輕半醉卷簾  
春雪裏竹厨燭火夜分情

少小

少小詞場得浪名白頭文字總忘情若非河岳

詩

驅排盡定是煙花撥振成

寄候徐聞鄧母

真妃南斗向南喬遊子登堂淚欲枯  
海鮮一甌知味美可憐無復報恩珠

寄懷徐聞陳公文彬舊遊

雷翁天飛海色青一時風雨滯炎溟  
石門望罷星河絕猶記浮槎舊勒銘

送黃醫歸麻姑

蹈海談天興不無  
白頭心在片雲孤  
肝翁眼裏  
三回別別卽教收彈鶴球

朝采三花夜采真  
藥壚肝母憶情神  
欲將清淺  
東瀛水長照高空  
黃鶴人

口號付小葛送山子廣陵

青來水榭三層出  
山子吳歛一部遊  
爲記臨川



荀伯子尋常兩事足千秋

塘上蒲生新酒香水嬉風信下維揚山公醉興  
同山子愛時時問葛疆

煙月揚州一過家五峰春作綵雲遮年來酒盞  
拋除得唱盡江南白葛花

章門諸友雪中來問業一宿便還

一絲香餌不曾聞便作鳴舷鼓浪回不爲臨川

道鈞街可能辛苦雪中寒

斷臂都無世上情少林人自雲中行文章薄伎  
何須此亦有前程一死生

謝埠回紫柏至沙城不肯乘驢口號

彌天風雨暮樟臺大笠長藤去不回不是泥中  
瞻白足儘交人笑赤牯來

贈郢上弟子

懷美奇方張  
居謙叔侄

詩

年展高腔發柱歌月明橫淚向山河從來郢市  
誇能手今日琵琶飯餽多

城南泣李孝廉東宿

齋閣湖頭坐數移十年相憶舊題詩頻來淚滴  
寒塘裏風動殘荷送我時

江樓看別者

落花初起舵樓風彩扇蒙蒙拜孟公人去碧塵

歸燕老流蘇浮動月明中

長至簾葛送夢得東還口號

夜插梅尊凍飲顚河梁飛鴈感情親清鋪一簾  
琉璃色爲照王門冰雪人

年少相看青鬢稀新聲纔和忽言歸蕭蕭雪意  
清如許日暮河橋贈葛衣

逢左拱之章門卽贈

詩

秋水殘霞相見親  
曉風留得使車塵  
何當闕下優游客  
來問江邊憔悴人

宅裡難尋江上逢  
江中雲起暮帆風  
披榛夜半吟招隱  
似賦吳都左太冲

李篆史索新婚詩小諢

朱珪不娶何孤潔  
李子催教強索詩  
向後勒成雙鳳紐  
臂花偷押睡紅脂

見交州欵儀中代身金人一具面縛請名  
感詠

唐亡鄴部真無策漢棄珠厓亦委心  
不得鎮南關外地伏波空進代降金

山茶初發

檀心翠葉此含胎燈候晴紅帶雪開  
喚作寶珠須愛惜燕裙時與障寒來

詩

超然爲里兒所撓贈刀遣之

攫衣偷扇總牢騷馬上頭陀氣骨高但是藕絲  
隨遁去篋中須惜我王刀

答孫子京香峰之約

土氣流光蘭氣薰秣陵文物最思吾年來櫺席  
夢何處長似峰香湖起雲

得黃荆卿詩來爲壽

我心長有一劑卿寶氣熒熒金斗城更近淮南  
有仙藥只將詩草賀長生

醉客歸吳和作

浮家只在洞庭灣浪醉何常信宿還水月寺前  
春露曉夢寬茶氣小青山

寫道書作

厨開柏燠吹芸葉袖拂蠻絹吐墨花奉常禮署



清微甚也有蓬山北道家

內嘆

魯學宮粧報粉衝遠隨才士適天涯無緣更說  
趨朝事白玉河頭夢落花

答內傳

父傳淳盛德士  
也母蕭京師人

且伴忘憂學種花玉臺閒咏小聰紗年來見說  
兒輩好能賦東征作大家

內人入齋

不爲成雙學種脉偶然圓獨靜炊沙清齋素服  
光如月自賞香燭未利花

見故時書畫狼藉惜之

牡丹賦作官厨鎮焦雪圖支漆竹門自是一時  
珍重意落花依草更何論

天台縣書所見

詩

池煖風絲着柳芽，懶粧宜面出山家。  
春光一夜無人見，十字街頭賣杏花。

滕王閣看王有信演牡丹亭二絕

韻若笙簫氣若絲，牡丹竟夢去來時。  
河移客散江波起，不解銷魂不遣知。

棹燭煙銷泣絳紗，清微苦調脆殘霞。  
愁來一處更衣起，江樹沉沉天漢斜。

寄萬丘澤從經畧河西

緩剪羊毛作稅錢  
高材留鎮夏西偏  
方升河土思秦漢  
何但姑臧是水田

酌方赤城孝廉

赤城霞氣動虛舟  
來作西江月下遊  
唱盡新詞留一醉  
芙蓉清露最宜秋

笑倚孤屏接大方  
吟壇相望水雲鄉  
何時更蹑

詩

清寒影天柱峯頭看月光

桂林筆工復之皖寄謝阮堅之

是物臨川只衆諸阮郎教作趣何殊獨憐肉史  
臨池處未是江淹五色初

落繅阿那意態慵陣圖千里付良工知君殺盡  
青鏤管起向蘭臺篆北宮

下士所無空寸心幽蘭清水費沉吟  
南來一胞

蒼琅色無限江風起竹林

中山休作越吟聲天柱峯頭是筆精不敢款門  
忘江左與君傾山自然情

筆毫合潤向江波匠手來歸益惠多似我只隨  
衰習帖留君堪發盛唐歌

玉蘭軒送喻叔虞薄遊嶺南

世有文章不逐貧遠遊湏是好情神風光嶺外

詩

從誰說破鉢嚴頭第一人

墮月留人自一時孤舟南浦送行遲  
關南十月梅花雪來鴈峰前寄一枝

兄弟能支獨可憐玉蘭清瘦語留連  
經過五苑知炎熱歸趁扶搖六月前

十年相負海人期淚與我緇一賦詩  
君去未須頻道別浮羅堪有夢來時

別景州高柏庄長者

十載殘貂去復回  
柏庄長向董惟開  
相看馬色  
酣寒酒愛我題書似玉杯

德州却寄苦水楊掌故先生

官近濠梁興卽同  
霍丘文學詎成翁  
驅車更屬平原酒  
日暈吹沙河上風

南署分冰



銀牀曉汲向紗窻小飯過時熱未降自笑剪冰  
無尺樣縱拋朱李石蘭缸

浙中具區赤水茂吳漢城一時俎落悲之  
雨夜恒多處士星一時江海熒熒溫王郅廔  
何須死似少興公著作銘

玄都曉夢

城郭人民不可知好懷幽夢亦相隨山行落月

聞簫處林坐熏風摘阮時

聞拾之遠信慘然

吳江此信不須傳只作悠悠在一天無限白頭  
歌笑裡新詞還得個人憐

延陵公子最聰明婚嫁年來學遠行折莫吳歌  
遺惆悵斷橋衰柳別時情

念可公

詩

王法無心足自知大臣斷事可能遲無邊佛血  
消詳出大好人天打縛時

越舸以吳伶來助之元夕湯成

人日期君君有人石康清泚注宜春今宵又踏  
春陽雪解傍吳飲記燭巡

白頭情事故鄉留殘雪春燈宜夜遊處處吹簫  
有明月相看何必在揚州

王孫家踏歌調同黃太次時粵姬初唱夜  
難禁之曲

珊瑚海上玉如林  
豫章門前風露深  
動是醉眠江月曉  
不應傳唱夜難禁

西山雲氣晚來多  
偶爾相逢人踏歌  
裴珂大扁載卿去  
如此秋光愁柰何

不須重上泛湖船  
碧玉王家小洞天  
上客何來

看歌舞暮粧微雨最宜憐

高堂留客正黃昏  
疊鼓初飛雲出門  
但是看人隨喝采  
支分不許妬王孫

送曹生池陽

千里相過陶令家  
水邊高菊映殘霞  
東歸一上青蓮石  
雨洗風吹紺碧花

十年秋浦記曾遊  
白笥煙霜長自秋  
大有池陽

隱君子月明人語弄溪樓

楊雪浦家懷舊

雪暗燈殘思復沉  
昔人曾此醉黃金  
琴歌一去憑誰續  
淚點閒關絃上心

寶應寺故址

內史繙經魯國書  
寶雲初地出浮圖  
不知世上相輪火  
燒過茶門一字無

聞江山何曉御醫使琉球回喜寄

千里江山一舉杯  
舊遊無計與徘徊  
焉知老去何東白  
又向扶藜看日回

八水菴作劇送宗望口號

送客菴頭秋思微  
清圓初地亦依稀  
孫看他昏散成何用  
且借天花落舞衣

離情幾日更匆匆  
十里蕭條得二從  
玉茗池頭

秋色裡可能三度見芙蓉

傷歌者

聰明許細自朝昏  
慢舞疑歌自莫論  
死去一春傳不死  
花神留玩牡丹魂

代送蜀客

新婦同牽架上衣  
今朝舉案淚痕揮  
經知別後銷魂處  
十二峯頭雲雨飛

詩



久就作

通天爲恙是何神去歲辛夷花又新  
獨是太醫如吏酷吟詩酷酒不由人

畫牆爲風雨所晦作

吳牆初立彩雲新風雨從天洗角鱗  
門戶十年斑剝盡不妨人笑癩麒麟

涂石

不住環中雲水蹤十年衰病此相逢  
談神未覺虛煩淨豈有丹砂治懊懣

來任卿去官歸蕭山愛元人九歌圖爲作  
去意蕭然此大夫剡中溪谷世言殊傷心漁父  
歸湘譜一似英皇泣舜圖

暮江圖

風起煙霏林翠閒暮帆秋色半江迴  
疎燈獨照

歸鴻急長似瀟湘夜雨寒

小桃源圖

桃源無路覓秦餘  
欲傍滄浪漁父居  
不知雲夢山頭  
女有得心情來  
獻魚

潯陽送畫者

氣骨高寒足自知  
颼來淥日照鬚眉  
驚呼顧我相臨取  
五七峯頭雪霽時

梳洗作

白髮新梳對曉霞  
含歡紗帽整  
裁斜  
堪飽繡簷  
宜男粉  
還藉香簪瘦客花

庚戌初夏夢侍漳浦朱澹翁尚書奉常

東廳已老江潭客  
右坐脩然海上翁  
二十年來  
纔一夢  
壯丹胡向後堂中

玉茗堂全集

詩

十七卷

三十卷